



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Joannis Nadasi, è Societate Jesu, Annus Caelestis,  
Jesu Regi, & Mariae Reginae, Sanctorum Omnium Sacer**

Anni Caelestis Dies, & Festa Mobilia

**Nádasi, János**

**Coloniae Ubiorum, 1667**

6 Aprilis. 8 Idus April.

[urn:nbn:de:hbz:466:1-53527](https://nbn-resolving.org/urn:nbn:de:hbz:466:1-53527)

S. Zeno, qui detractâ pelle, pice  
illitus, in ignem coniectus es.

Sancti Martyres Africani, die  
Paschæ, in Ecclesiâ cæsi: quorum  
Lector, dum in pulpito Alleluja  
cantaret, sagittâ in gutture trans-  
fixus est.

Sancte Therme, & Pherbuta, e-  
jus soror, quibus, unâ cum ancil-  
lâ, serrâ dissectis, Deus cælum ape-  
ruit.

OMNES SANCTI, &c.

pag. 320.

S. MARIA, Vincentii *tui magna*  
*consultrix, atque adjutrix: qua illum,*  
*coram tuâ imagine orantem, cum à*  
*damone, ad differendam usque ad se-*  
*niū poenitentiam, tentaretur, ita*  
*juvisti, ut ope tuâ demon ab illo victus*  
*fuerit, & fugatus. Da et mihi vir-*  
*tutem contra hostes tuos. fac me paré-*  
*re tuis consiliis. fac, ut faciam sanus*  
*nunc id, quod moriens vellem à me*  
*tempestivè factum esse in vitâ!*

6 Aprilis. 8 Idus April.

SANCTE Wilhelme, cui, pulcher-  
rimi adolescentis specie, con-  
spectus JESUS dixit: *Noveris, te*  
*multa perpeffurum; sed iis, ope meâ,*  
*superatis, ad me venies in caelestem*

V 7 para-

*paradisum.* cui ægro apparuit S. Genovesa Virgo, & dixit: *Noli timere; quoniam bonum Deum habemus, JESUM Filium Dei; & incolumis evigilasti.* cui, duodecimo ante mortem anno, paratam in florido loco, ac domo splendidâ, sedem, & coronam, sed necdum absolutam, vidit tuus discipulus: quem in cælum euntem conspicatus alius quidam profugus, ad religionem reversus est; quem morientem, cum splendido Sanctorum cœtu, invisit JESUS; mortuum Angeli duo hinc atque hinc sustentare, ac in cælum ferre sunt visi, suavissimo cæli concentu audito, dæmonibus autem frementibus. Impetra mihi dignam beatâ æternitate patientiam: fac, ut sciam æstimare æternitatem, ac tempora mea metiri ad regulam æternitatis! Ora, ut hoc unum doceat me JESUS, ut sciam, & velim, & faciam; ut mors mea sit felix finis temporis, sit felix initium æternitatis. Amen.

S. Sixte Papa Martyr.

S. Henrice, qui passim mundi dictus es inimicus, ob insignem eorum contemptionem, quæ mundi sunt.

S. Galla, Vidua nobilis, cui,

in acerbis cancri doloribus, S. Petrus Apostolus æternæ vitæ, paulò post adeundæ, nuntius apparuit.

Sancti Timothee, & Diogenes, MM.

Sancti centum viginti Martyres.

S. Platonides, & alii duo Martyres.

S. Marcelline M. ab hæreticis occise.

S. Cælestine Papa.

S. Celse Episc.

S. Eutycki, Patriarcha Constantinopolitane, quem cum utero ferret mater, lux è cælo & illam & lectulum circumfulsit: qui oleo, de Cruce Christi, ac B. Virginis imagine, manante, mira patrâsti: qui morbos, & dæmones à pluribus fugâsti: etiam à juvene, ob desertam religionem obfesso: cæco restituiti oculorum lumen, quod in perjurii pœnam amiserat: farinam auxisti, & fame laborantes mirè saturâsti: impetra è cælo lumen, & misericordiae oleum cordi meo.

S. Philarete junior, qui unâ alterâque hebdomade, ab omni ferè cibo abstinuiti; postea, jussu obedientiæ, boum pastor, ac demum hortulane. qui indusio, è stramine sportis-

sportisq̄ue contexto, indutus, fune  
catenisq̄ue præcinctus, linguæ cu-  
stos admirabilis, quinquagesimo  
ætatis anno mortuus, cum nullum  
omninò miraculum patrâsses in vi-  
tâ, post mortem odores miri, ac  
beata lux, è laceris tuis vestibis ac  
sepulchro effusa; cæcæ, divinitus  
eò missæ, redditum oculis lumen,  
ægrique plures persanati, te cele-  
brem reddidêre. Doce me regere  
linguam meam, subigere corpus  
meum, lucrari animam meam.

OMNES SANCTI, &c.  
pag. 320.

*S. MARIA, qua dixisti de Zenone  
Imp. hodie moriente, liberales in elec-  
mosynam illius manus prohibere, qui  
minùs citiùs divina in illum vindicta  
descendat. Doce me artes, quibus di-  
vinam misericordiam mihi devinciam  
in æternum!*

7 April. 7 Idus April.

**B.** Hermanne-Joseph, cui MARIA  
cum JESU, Sponsi sui nomen  
dedit: qui JESU, & Joanni parvulis  
parvulus collusisti, ac ad MARIE  
nomen humi prostratus, odoribus  
cælestibus afflari te sensisti, & re-  
creari totum: quem brachio, ab  
apertâ